


Puka Pianullu 3



Muanke' de nanni Adama, ne nala hawni pa nwawa Hawa'a (nnia'eratni de mormiori-dardiari) yoma hade ed mak khi'a in la riy mak kmormiori-kdardiari honona.




1

Mere niy mak kodi pudi-akla la pora-dawra honona re, maka Orgahi Nakoki-nayapi, Nohi-na'ar nana. Lera ida ne, niy nmai pia natiana patke' de niwra: "Plolli de Orgahi Nal lirni de: "Orwo'a-auwo'a mak kdella nhyi' di ralamni honona de yana mi'in wo'oni, me?""



2

Noka patke' de
nwahla niy die:
"Edonna. Orwo' a-auwo'
mak kdella nhyi' di
ralamni de ama'ana, mere la'a au mak
kdella nhyi' di letgarni de Orgahi lirni de
yana ma'ana me mte' la la wo'oni mana
yana, de de hota ammati."



3

Mere niy die nakot
la patke' de: "Hota
miy edonna mmiat
miano, mere Orgahi
Nat niohora, lerni pa miy mi' in nana,
de matmi hota naphyar pa miora Orgahi
mimneha, miat niohora
kalwiedni-paitiotni
me yatni-halli."



4

Patke' de, namkek de auwo' de
mikri-liamanni, me yamkekni
samomuou ne nhi' nohor walia riy
ralamni nala auwo' de onnila auwo'
de nala kirkira ralma-rior samomuou
(pengertian).



5

Hade pede patke' de na'ala wo'oni
pa na'ana, ne nal wal lia hawni maka
nor rewre' wa talla, noma muanke'
eni na'an walia. Noma rrorra matni
rrepar nana pa ratga de ratliawihi,
noka rla retia kar tawi
pa rhi' a la wara.




6

Mere Nhar lirni
pa Npolga muanke' de Niwra: "Adam
ee! O' etla meni?" Nwahla: "La'pa a'utlin nana O' etla
nhyi' di ralamni, de a'umta'ata, yoma a'utliawihi,
reiniande, a'ude' a'u."



7

Lirni: "He' ed mak
kakot o' de, o' e mutliawihi?
Yanhi' pa o' e mu'un la auwo' mak A'ukota yan
memmemna mu'un dena?"




8

Muanke' de nwahla: "Patke' maka Mkienia la a o'nu di, ed mak kala au die wo'oni mai a'u, pa nhi' nande a'u'una." Nhor nioka Nhar lirni la patke' de: "Hya' ed maka mhi'a dina?" Patke' de nwahla: "Niy die ed mak kodia kdiori-kdieha pa a'una."



9

Hade pede Nhopan pa rlergot la nhyi' ralma la Eden lowanni pa, nanhyi'a-natlunnia tani. Tani ed maka Nhairi pa Nakok niana-nayap niana ir la, ne tani ed maka rimormiori ranhyi'a-ratlunnia.



10

Nhokar doinia rimormior re, nhor nioka Nwau tiarga hgera la nhyi' ralma walli tipru, de Uplerlawna hopopanni-lili'irnu mak katiaka gen lululi me wehla gai mormiori maka ktipna-khewra, ...




11

... totpa yana rawal lia auwo'a mak kodia riy la mormiori-dardiar die mak kdella nhyi' Eden letgarni.




12

Nhi' noka Adam nor Hawa'a ranina, noka patke' de na'apun wa, noma nmor niana muanke'a ida rala pa nwawa Kain (nnia'eratni de, lernana a'na), noma patke' de niwra: "Orgahi Nara'a-napalga pa aliernana oleka muanke'a ida."



13

Nhor nioka na'a'na muanke'a id owa'ana rala pa nwawa Habel. Ne Habel nmori lawna noma nodi pipi-duma, Kain nmori lawna noma nhi'a mak kanhyi'a-katlunni.




14

Name'et doini-na'anin doinia la, noka Kain nala limtutnu, de nala tan die wullu-we'elli oke' pa rala la Orgahi. Habel mana nala pipni-dumni re a'nani yanulu mak kapetna me kmou-kwitna nanpa nhi'a la limtutnu la Orgahi.




15

Noma Orgahi Nreiniana-na'nana Habel nora limtutnu. Mere Kain nora limtutnu de Orgahi edonna Nreiniana-na'nana. Hade pede Kain ralamni namehra doin la, nhi'nande gaini mana nmaluidioin la.




16

Noma Kain nakot la garni Habel niwra: "Mai pia tla'awa wo'ora-kawur letanni." Rla'awa pa la'pa rte'ela wo'ora letanni, dewade Kain nkakul wenna Habel.



17

Nhor nioka Orgahi Nal lir la Kain pa Natiana: "Kain ee! Garmu Habel etla meni?" Mere Kain nwahla niwra: "A'uplinga. A' di de mak katiak ga'ru id a'u?!" Noka Kain nwadur la Orgahi gaini, noka nhol lia Noda lowanni la Eden lowanni walli tipru.



18

Adam nor hawni ranina, noka patke' de na'a'na nan owa'ana muanke'a ida, nal nanni pa nwawa Seta (nnia'eratni de, ra'a-palu) yoma niwra: "Orgahi Nara'a-napalga keke'enku' id to'a mai a'u, pa nwal lia Habel wnianu, yoma Kain nwenan nana."




19

La'pa na'a'na nana Seta pa nhorwua noma Adam nmormior mia'ta pa anni rahu wo'awa owa'ana, de na'a'n owa'ana muanke'a me patke'a. Pede Adam nte'ela mormiorni anni rahu wosiewa terampwotelu dewade, nmat wia.



20

La'pa Orgahi Namkeka de, rimormiori yatni-halli lawan rehia la nohkeran di wawannu, ne ralma-riorni re honona rawo' mamainia yatni-halli, dewade, Orgahi Na' ahankeran doin la, ...



21

... nihya' pa Nakoki-nayap niana oleka rimormior mak kdella nohkeran di wawannu, pa rodia ralam mehra-ralam mau lia.



22

Orgahi Nal lirni: "Akuh dioini-gho'or doin momuou mormiorni maka Agohi-ga'ar nan oleka la nohkeran di wawannu, la'pa rimormiori, me nhiuri-wnia'ana, hapora-dawra, mak kawrika-kawriai, onu-ma'nu, onnila



A ralam meh'ru, nihya' pa Agohi-ga'ar nana oleka re."

23

Mere Orgahi Napal niana Nuha. Nuh na'a'n nana muanke'a riy wotelu, Sem, Yafeta, me Ham.



24

De yoma Uplerlawna sniyanni la'a rimormiori nohkeran di inponni memna, pede Enala Wutmueheni-Laimieheni A' die, totpena ha meni mak kpesiy A' die hota edonna nler la matmiati-molmuolu pa rrinnia la ai mormiori ralamni mere nlernana mormiori plalahwa pa nodi liarni.

2

60

25

Roma 3:23 Yoma riy honona rler olek la do'a-hala ralamni, me nhiolli re oliet meman la Uplerlawna polli-mneheni nhiolli-lietni mak kmou-kwitna.

Roma 6:23 Yoma do'a-hala wniahlani de matmiati-molmuolu plalahwa. Mere Uplerlawna Nara'a-napal niana mormiori plalahwa pa nodi liarni la riy mak kor wutga Kristus Yesus, Itmatromlawanni tla' ihru ida-ralm ida.

Ibrani 9:27 Ne hota emeknekama Uplerlawna Nakota de hota rimormiori rmat die ralamni nmeh'a pa nhorwua nanpena Uplerlawna ed maka khudi-kpara re,

26

Epsus 2:8,9 La'a Uplerlawna ralam kalwiedni pede E Nalewan miy onnila miy pesiaymi la Yesus. Ne miy lewlewanmi de edon riwra yoma la'a riy ruri-lai wamueheni, mere hade nwatiawua Uplerlawna sniayanni totpa hota riy id mana edonna nwaror nana tulu-petna yoma wniarorni de enmeh'a namori-nalewna e inon wamueheni onnila e hihi'ini-yapyapni wamueheni.

Roma 10:9,10 La'pa miy nurmi nwayow nana Yesus la rira gaini ralamni pa miwra: "Yesus de Orgahi-Orha'a inhatta," me mpiesiaya la miy ralamni de Uplerlawna ed maka kamori-kalewna Yesus la' matmiati ralamni, de hota mimliernana mormiori plalahwa. Yoma la'a mimpiesiaya la ralamni pede Uplerlawna Nreiniana-na' nana miy pa emeknekama riy maka kora Uplerlawna rkalwieda. Ne la'a nurmi mak kwayow nohora Yesus de Orgahi-Orha'a inhatta pa hota Namori-nalewna miy.

27

Yohansi 3:16,17 De yoma Uplerlawna sniayanni la'a rimormiori nohkeran di inponni memna, pede Enala Wutmueheni-Laimieheni A' die, totpena ha meni mak kpesiay A' die hota edonna nler la matmiati-molmuolu pa rrinnia la ai mormiori ralamni mere nlernana mormiori plalahwa pa nodi liarni. Yoma Uplerlawna Nalernia A'nani A' die, de edonna muai pia tiorna watghudi la nohkeran di. Mere Amuai die totpena A'umori-ulewna rimormiori.

1 Yohansi 5:11-13 Ne emkadilla maka Uplerlawna Nakot nohora re, de Uplerlawna Nal olek mormiori mak kodi liarni mai ita, ne A'nani ed mak kodia mormiori die. Riy maka kora Uplerlawna A'nani rla ihru ida-ralm ida, hota rmormiori plalahwa pa nodi liarni. Riy mak edon nora Uplerlawna A'nani ihru ida-ralm ida de edon nler la mormiori die. Agal horat la makpesiay Uplerlawna A'nani miy, de totpena miatga de miy di de mliernan oleka mormiori-dardiari plalahwa pa nodi liarni.

28

Puka Pianullu 3 - 6

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: M. Maillot; Tammy S.

Luang Bible (lex) © 2014, Wycliffe Bible
Translators, Inc. All rights reserved.

<https://live.bible.is/bible/LEXWBT/GEN/1>

©2026 Bible for Children, Inc.
www.M1914.org www.bibleforchildren.org

29